



KEMENTERIAN SAINS,
TEKNOLOGI DAN INOVASI
MINISTRY OF SCIENCE, TECHNOLOGY AND INNOVATION

SIARAN MEDIA

KEMENTERIAN SAINS, TEKNOLOGI DAN INOVASI

MALAYSIA PERKUKUH PERANAN SERANTAU DALAM TEKNOLOGI VAKSIN MELALUI UK-SEA VAX HUB

SUBANG JAYA, 18 JUN 2025 – Malaysia terus memperkukuh kerjasama serantau dalam bidang penyelidikan dan pengilangan vaksin melalui penglibatan aktif dalam **2nd UK-South East Asia Vaccine Manufacturing Research Hub (UK-SEA Vax Hub) All Partners Meeting** yang berlangsung hari ini di Monash University Malaysia.

Majlis perasmian telah disempurnakan oleh Timbalan Menteri Sains, Teknologi dan Inovasi, YB Dato' Haji Mohammad Yusof bin Apdal, yang menegaskan kepentingan pelaburan jangka panjang dalam penyelidikan dan pembangunan (R&D), pembangunan bakat teknikal serta pembinaan ekosistem bioteknologi serantau yang kukuh. Beliau turut menggesa agar kerjasama strategik antara negara-negara ASEAN dan rakan global dipertingkatkan bagi menjamin sekuriti vaksin yang adil dan mampan.

Turut hadir, Pesuruhjaya Tinggi British ke Malaysia, Tuan Yang Terutama Ajay Sharma, serta Pro Vice-Chancellor Monash University Malaysia, Professor Dato' Dr. Adeeba Kamarulzaman, yang menyatakan komitmen institusi pendidikan tinggi dalam menyokong inovasi vaksin dan kolaborasi merentas sektor akademik, kerajaan dan industri.

Program ini menghimpunkan lebih 150 peserta dari 9 negara ASEAN dan United Kingdom, melibatkan penyelidik, pembuat dasar serta pemain industri utama dalam bidang vaksin.

Malaysia turut mengetengahkan kemajuan terkini dalam pembangunan fasiliti pengilangan vaksin serta penyelidikan berkaitan patogen berisiko tinggi. Pameran khas oleh agensi-agensi di bawah MOSTI turut diadakan, memaparkan pelbagai inisiatif serta produk biofarmaseutikal negara.

Penyertaan aktif Malaysia dalam UK-SEA Vax Hub ini selari dengan peranannya sebagai Pengerusi ASEAN 2025, khususnya melalui ASEAN Committee on Science, Technology and Innovation (COSTI) dan ASEAN Health Division. Langkah ini sekali gus mengukuhkan imej negara sebagai peneraju serantau dalam inovasi vaksin dan keselamatan kesihatan awam.

#TAMAT#

Dikeluarkan oleh:

KEMENTERIAN SAINS, TEKNOLOGI DAN INOVASI
18 JUN 2025

